

Հայ-նախիջևանյան

հերթական հանդիպումը

Մայիսի 14-ին, Արարափի և Սադարակի շրջանների սահմանագլխին փեղի ունեցավ հայ-նախիջևանյան հերթական հանդիպումը: Հայկական կողմը ներկայացնում էին խորհրդարանի առաջին փոխնախագահ Արա Սահակյանը, ԳԽ նախագահության անդամ Բագրատ Ասատրյանը, հանրապետության գլխավոր սահմանապահ կոմիսար, գնդապետ Գրիգոր Գրիգորյանը, իսկ նախիջևանյան կողմը՝ ինքնավար հանրապետության Գերագույն մեջլիսի նախագահ Հեյդար Ալիևը և նրա առաջին փեղակալ Անար Սաֆարովը: Ներկա էին զինվորականներ, սահմանակից շրջանների ղեկավարներ: Հանդիպումը, որի

նպատակն էր հայ-նախիջևանյան սահմանում հաստատված հարաբերական խաղաղությունն առավել կայուն դարձնելու մեխանիզմների որոնումը, փեղի ունեցավ հենց ավտոճանապարհին, մի ավերված շինության մոտ, որը խաղաղ ժամանակներում պետավորության պահակակետ էր եղել:

Քելբաջարի անկմանն ու Հայաստանի հանդեպ Թուրքիայի դիրքորոշման հստակեցմանը հաջորդեց իրադրության զգալի բարդացումը հայ-նախիջևանյան սահմանում: Նախիջևանում հայտնվեցին փանկեր, հրետա-

(Շարունակությունը 2-րդ էջում)

Հայ-նախիջևանյան

հերթական հանդիպումը

(Մկիզբը՝ 1-ին էջում)

նային ինքնագնաց կայանքներ. Առանցին մոտոհրաշագային գումարտակի հրամանատար, մայոր Վյաչեսլավ Պողոսյանի վկայությամբ, եթե Եղեգնացորի հետ սահմանակից հափվածում ադրբեջանցիների ուժերը հազիվ հերիքում էին Խաչիկի և Արենիի դիմաց դիրքավորվելու, ապա այժմ նրանք բավական խիստ կերպով փարածվել են շրջանի սահմանի ողջ երկայնքով և զբաղված են ինժեներական զանազան կառույցների ստեղծմամբ:

Սահմանում լարվածությունն իր գագաթնակետին հասավ թերևս մայիսի 10-ին, երբ բավական ուժգին հրթիռաերկրակածման ենթարկվեց Խաչիկը: Հայկական ուժերը դիմեցին պատասխան գործողությունների, որոնց մասին Հեյդար Ալիևն ասաց բառացիորեն հետևյալը. «Ես մտածում էի, որ հայերը շնորհավորում էին իմ ծննդյան փառեդարձը: Արկերը պայթում էին Շաքուրի կենտրոնում»:

Ըստ փարբեր աղբյուրներից

ճշգրտված տեղեկությունների, այդ օրը սպանվեց ադրբեջանական բանակի 17 զինվոր և պայթեցվեց մի բավական մեծ զինապահեստ:

Մկզբում ենթադրվում էր, որ Նախիջևանի պարզիրակությունը գլխավորելու է Գերագույն Մեջլիսի փոխնախագահ Անար Սաֆարովը (ինչպես սովորաբար լինում էր), բայց վերջում պարզվեց, որ գալու է անչամբ Ալիևը: Թե՛ այս փաստը, և թե՛ հանդիպման ողջ ընթացքում ինքնավար հանրապետության ղեկավարի պահվածքն ու խոսքերը վկայում էին այն մասին, որ Նախիջևանի ղեկավարությունը փորձում էր փարատել վերջին դեպքերի պարճառով առաջացած մտավախությունն իր որդեգրած դիրքորոշման հնարավոր փոփոխության վերաբերյալ:

Միսյանց շահերի հակասող հեռանկարային կամ ընթացիկ նպատակների բացակայության երկուստեք հավաստիացումներից հետո Հեյդար Ալիևը տեղեկացրեց հայկական պարզիրակությանը, որ Քելբաջարի անկումից հետո,

երբ ինքնավար հանրապետությունում սկսեցին հնչել հայ-նախիջևանյան սահմանում խաղաղությանը վերջ փալու կոչեր, նա հանդես գալով տեղական հեռուստատեսությամբ, հայտարարել է, որ քանիդեռ ինքը Գերագույն Մեջլիսի նախագահն է, անկախ նրանից, թե ինչպիսին կլինի դեպքերի հետագա զարգացումը, Նախիջևանը չի ներքաշվի հայ-ադրբեջանական հակամարտության մեջ:

Խոսակցություն ծավալվեց նաև երկաթուղու և հաղորդակցության այլ միջոցների աշխատանքների վերսկսման ուղիների վերաբերյալ, ավստոսանք հայտնվեց, որ սահմանամերձ առևտրի կազմակերպման խնդիրն առայժմ խոսքից գործի չի վերածվում:

Որոշվեց երկու կողմերի սահմանների պաշտպանությունն իրականացնող զորքերի ընդհանուր հրամանատարների միջև ստեղծել ուղիղ կապ և առանց միջնորդների միանգամից լուծել առաջացող բոլոր հարցերը:

Ընդունվեց համապետ կոնյունիկե, որ կարևորվեցին հաստատված հարաբերական խաղաղությունն առավել կայուն դարձնելու, երկուստեք և հաղորդակցության այլ միջոցների աշխատանքների վերսկսման ուղիների համապետ որոնման և գյուղատնտեսական աշխատանքների կատարման անվտանգության ապահովման անհրաժեշտությունը:

Տիգրան Դևրիկյան